

《中國地方藝文薈萃》編委會 編

華苑出版社

中國地方藝文薈萃

中南卷·第二輯·叁

中南卷·第二輯
叁

中國地方藝文薈萃

《中國地方藝文薈萃》編委會 編

貴州师范学院内部使用

第三册目錄

臨川文獻二十五卷(三)……………一

國朝中州名賢集(一)……………三〇九

臨川文獻二十五卷(三)

貴州师范学院内部使用

臨川文獻二十五卷(三)

(清) 胡亦堂編

據清康熙十九年(一六八〇)夢川亭刻本影印

揭蒿庵先生集序

慈谿胡亦堂二齋撰

余初受事茲邑卽知蒿庵先生之名繼國之士人依次以見旅進旅退俱如常禮窵後有以名通者則先生之世嗣名貞傳而字憲武者也其人顏色本心形之真摯遂於衆中心識之胡是忠卽之遺以有此賢滋可愴歎乃先生之當時風烈足以興起人心者又宜何如也又久之憲武以其先人之集相遺因敬受而卒業焉蓋先生自知聞之福寧州適當闖禍勵師討賊義不旋踵後轉而授弼海涇卒以此殉其立意較然天壤矣嗚呼天之生人億萬其數其志節忠貞者於億萬之中不過十數人而此十數人者或不幸而不得其純全或純全而名幸不至於磨滅卽使

稍爲人稱道猶無益於人數也觀於先生其始可以無憾也已夫從古聖人之興必以崇獎忠賢爲務亦謂立國之根本在於人心卽勝國之相異者亦視如一體先生一死之時

世祖皇帝已悉其事迄今嗣子猶得安其故廬蓋謂帝王代有史編其間死事之臣其人姓氏舉足存世代興廢之故是義也非特爲勝國之光抑亦爲

昭代之美有論在於戰伐以外者焉乃先生以文兒又不啻如其人告大行之有文討逆關之有檄進行在之有疏固取自身忠臣義士之心以合天下之凡有是心卽其平時著作諷詠吐言成經記事成史莫不方重嚴毅有屹乎山嶽之槩不可少犯余旣閱定之暇爰進憲武而謂之曰子

亦知集之當傳乎夫文傳匪易也因大事所繫而傳其文
更難蘇文忠在宋文名於世爲盛徒緣黨人之籍一時功
令禁藏其書若子先公之文幸當

世無禁錮不行之條斯文一出當有必傳者正余所言興
王之崇獎英賢將不恡乎其文也曰星山川之英其有所
發舒矣是固不可忘也此一集也卷帙頗繁以文獻之故
擇其尤者以入而其余者不妨別爲一書以行于世世之
欲尚友者願讀其詩書以論其世不無其人若余言何足
以盡之哉

揭蒿庵先生集

慈谿胡亦堂二齋選輯

文

恭祭大行皇帝文

維崇禎十七年歲次甲申夏六月丁巳朔越二十一日丁丑福建等處承宣布政使司福寧州知州臣揭重熙謹以罪躬爲犧血淚爲醴百頭號奠於我大行皇帝之靈前嗚呼下聖相傳一心皇衷獨惕覆載未有奇變書法遂窮惟我大行皇帝靈鍾澄瀆祥發鳴阿收大權於旣去勇奇兇不敗宋昌夜拜定國是於方例雪忠枉寧俾桓敬生淪愷澤覃敷快深山之老扶杖英斷獨迎陋瀕青之孽投戈睦九族而棟宇增輝匪曰歷艱難而銘讓帝禮元臣而旃夏

坐論寧謂待神明而收具員不次之升亦不測之訊異漢
高之顛倒豪傑一念微差卽一時共見超藝祖之洞徹心
源覈名實而鄙事刑名湛道德而歉深望道斯神武同符
太祖睿慮追配文皇繼敬一之心傳憲六經表六子事事
率世宗之履惕其亡之胥誨尊母后容直言翼翼欽神祖
之謨若不邇不殖三百年作述重光且無忘無荒十七載
勦華合轍卽不得已增賦讀暫累吾民一言聲淚溢四隩
之波更不得已疑臣誦朕不忍言片語切齒恨三足之覆
媚狐妄揣煬豎獨不聞握禁旅者授首雄離榷者喪顛筦
樞機者伏鎖泉陽豈魑魅敢乘首鼠藉口犁書曾不思倖
錦捷卽臨軒恃粵國卽授鉞後楚辨卽掃境爰寔惜虺蜴
難升則哲或虧九載尚廩圯族側躬彌刻一朝不拱祥桑

步禱郊壇歲歲飛香帷之汗露祈便殿夕夕披赤冕之心
躬耕而玉庾粢豐親較則金弧命的真不徒殲寇滅虜凡
足以永命祈天四十八載之祖武方斯匹休八百餘年之
周基倍茲未艾何期小孽敢肆逆陽初以槍擻之餘克黃
池竊美繼遂矯虔之大惡如旬洊窺塵洛塵晉塵峭函聖
怒爨昭而羣臣靡效一策不戰不守不勸幸大社欲隕而
聖主獨與千秋血慘悲風碧漲昭陽莫洒妖蠶旭日丹飛
溟海何期以修德致治之君膺絕地崩天之痛古稱正義
允蹈伊誰史無特書創烈維我蓋我國家植本仁厚周公
入而成王得徜徉於野老新蒲我祖宗篤祐高深也先
而南宮尚優游於 貍羆馬是以金匱無不地之帝玉宸
多未揚之靈布乘黃朱臣衛昭於壤莫微文筆削尊諸釋

於天王未有殊德迨奇克超烈煥起盛明之代式彰敬
法之猷於九廟爲大孝至仁在維皇曰光明不疾浹盡湘
筠之血觀厥刑于首碎洛橋之心範于有位當在道終始
不忒肆臣罪烹裂何償文武恬嬉雖無竊劫之奸曾足莫
恤中外醉夢致茲盜字之寇笑如其來臣重黜負罪實同
受恩更異際龍飛之始首懼於食篋下人當鹿鳴之初命
簡於兼經一牘通明錄上第恍在耳之玉音報政及海邦
被勅部之榮紵寸籌莫效斗血何裨截泚頸而汎掃諸陵
庶拜吾皇於九遠拚顏頭而呼號羣銳不同此念於萬生
凜凜英雄方來期盡作帶礪公侯翼車攻天子哀哀孤臣
獨瘁惟願以執戈孺子效殺身仁人八旬有二之老父兼
母兼師一朝于役以違顏莫溫莫清惟君父本同一事兼

忠孝世守庭謨是用踊徹肝心歷披腸腎非曰遂能報國
師死馬之骨備在天之駮乘豈其敢俊如人礪怒噬之鋒
從率上之貌虎庶儀不必備而心至彷彿號徹于寶廷抑
且神有鑒而感存依稀魂陟於帝右臣重熙無任誠慟誠
憤頓越悲戀之至

恭祭大行皇帝併祭大行皇后文

維崇禎十七年歲次甲申夏六月丁巳朔越二十一日丁
丑福建監紀援師福寧州知州臣揭重熙謹哭奠大行皇
帝并奠大行皇后神靈嗚呼重華勤野英皇慟絕蒼梧周
昭沿征二妃翼從漢水事有擬次芳則殉同至衣詔血賊
臣之刀飛袂恨君之不武擲璽玷傳國之紐始禍曰后之
忘宗皇黃室主空傳不辱於角驛輾轉空城難倭從危於

馳騎厲詞君舍飄矣鷄澤之浮屹立漸臺微乎雲夢之覽
伯姬婦而猶女哀姜泣感行人節固關生死之全事未繫
天下之鉅至燈前共慨千年負愧於摩笄若授冊立關再
起傷心於冲妙是以賢如隆祐猶未義耀折宗惟我國朝
邁古家法高皇后之締造揚濬之風長留顯皇帝之尊隆
胎教之勤惟肅倪天列聖並德貞坤迨我中官尤求純懿
歌文定於濟穀備歷艱難正寶位于中間允舊儀範尚宮
肇慶穆公述下之仁永巷徽規簪備鳴宵之戒政不預於
官掖益殊廣於剛柔文德之思邈茲追論元祐之治誦彼
後施未有一德一心兼相之道曰仁曰義配乾而行巍巍
冠古盛徽赫赫際茲多難帝重社稷得聖心而義維春秋
后植綱常秉帝衷而光垂日月梅山雲黯痛龍髯而淚涌

荆湖椒殿風悲辭翟裳而魂麾霓華昭升俾倫物曜魄寧
淪夜盡謫見炯貞明太微詎滄盡眺緊古斬木伐社之日
未聞朱紱翠衣之同昇苟在魏脯繩樞之戔猶侈冠裾環
翠之齊烈蓋國脉培之有素肆后德厲以益奇金川入而
聖哲騰貽老佛以青蒲白首彰義竊而天柱折匹媯皇以
棟石立菴載籍不兩見之英孝恢廟祔國家衍無疆之慶
祥啓冰雪薄海痛不欲生微臣淚有餘幸殷周中葉史失
申儀之書漢唐再興廟鮮同躋之至荷嚴紫極臣生也不
獲率精糧以拜揚號勸霄闕義死耳輒敢薦蘋蘩而告潔
惟願生協明帝沒重明神耿在天其篤祐俾臣殺賊勵臣
殺罔草大地以詒休臣重熙無任誠慟誠憤頃越并營之
至

檄

討逆闖檄

為特明御變以振未死之人心截頌神功以彰不報之至
德其并同仇立剪殊逆事竊照從古破國亡家皆繇荒淫
失道卽坐遺嗣懦弱亦是祖考流殃未有三百年祖功宗
德遺六七作之商君十七載敬天勤民追南北伐之周翰
竟道非常之酷且爲小醜而殘如今日鞠凶誠振古駭事
倒翻廿一史痛絕未聞歷告十五邦願矢諦聽我大行皇
帝卽極以來憂勤惕勵刻刻無白暇逸惟欲寰海乂安再
造中區法度紀綱聖聖罔敢失墜尤至鼎湖光大定內難
如反掌魏忠賢父子幾竊神器立剪如腐鼠狐雛正人心
務遵繩愆呈秀羣奴共滅天綱浣鋤俾星昭日朗東征西